

## LOMADEO

### Yá pò kú láe bee guu

Kilisi gaa ní àà vuaogbea Yuda pò aa gò Yesudeo ũo ná Yesu baonakpaawa Lomadeo meewia Lomagu, an gbēon Pisii ní Akilasio ũ (Zinao 18.2). Beewa Yesu gāli séia dàale we goo pò Pòlu lé baonakpa Sili bùsuu ní Azi bùsu pò wí me tia Tuukiio ní Gelesi bùsuo. Lua ðile Pòlu e aà gé e dúnia léwa. Bee yáí Pòlu ye gé Loma ní Esipayā bùsuo b. Goo pò àle a wélegēapi sòuke, à lakè Yesude pò aa ku Loma (1.7), aai kōkāaa Pisii ní Akilasio beonee (16.3-5).

Láe bee guu Pòlu lé zí pò ále ke buipáleo guu bōoleke Loma Yesudeone. Yá pò Pòlu ì dadané kú láe bee guu wásawasa à mè: Yesu baonaa gbāa pò Lua ì gbé pò lé a náaikēo suabaðe, atēsa Yudaō, an gbea buipáleo (1.16).

Yudaō ní buipáleo kua ní kōoá yā'iaē Yesude káauone, atēsa lá buipále Yesudeo lé e Mōizi ikoyā musu. Yápi ku Galatio lá guu b. Lakii Pòlu ò wásawasa à mè Yesu baona pò ále kpáá gbépii pòe (1.16). A ò lá Lua ì duunkena suaba, baa dén nò, à mè luanaaika yáe (1.18-8.39).

Bee gbea à lekà Isaili pò aa gí Kilisi náaikēio yáwa. Lua gbēon ní ũoa? A mè an gia bee lé kpá Luaeo, asa Lua gbēke mé a zible (9-11). Tia kéwa sùuu pò Lua ví ní wá buipáleo lé dadawēe wà nòse pále da, wíō ku Lua pò ũ (12.1-15.13).

Lápi láakii Pòlu mè á ye da Loma zéu, ñ à fōkpākpamá (15.14-16.27).

Gbɛ́ pɔ́ aale wɛɛɛ wà dɔ́ lá Lua í n̄ suaba Yesu Kilisi sabaiɔ́, tó aa lɛɛ bee kyokè, aa e dɔ́ ké yá pɔ́ Lua a zekàɛɔ zɔ́ɔ (11.33-36). Beewa aa e n̄z̄ia kpawà, aai kúɛè a zéwa.

### *Pɔ́lu fɔ́kpaa Lomadeo wa*

<sup>1</sup> Mámɛmaa Pɔ́lu, Kilisi Yesu zòblena, Lua ma sisi à ma dile a z̄ina ũ baona <sup>2</sup> pɔ́ à d̀aa à a legbè a ānabɔ́nɛ, aa kè a yá taalau kpana ũ. <sup>3-4</sup> Aà Né Yesu Kilisi wá Dii yá mé baonapi ũ. Aà dea gbēnaz̄ina ũ guu à b̀ Davidi bui guuɛ. Aà luake guu s̄ɔ́ aà b̀ɔa gau n̄ gb̄aao mé òlɔw̄ɛ ké Lua Nén aà ũ. <sup>5</sup> Kilisipi mé gb̄ekèkèmɛɛ à ma z̄i bui píi kíi, ké aa e a náaike, aai ḡɔ́ a yāmanaɔ ũ, i tɔbɔ. <sup>6</sup> A kú n̄ guu s̄ɔ́, á gbɛ́ pɔ́ Yesu Kilisi á sisi à á séɔ. <sup>7</sup> Mámɛ ma lɛɛ bee kè á Lomade pɔ́ Lua yeázi à á sisi, a ḡɔ́ a gb̄éɔ ũ píiɛ. Lua wá Mae n̄ Dii Yesu Kilisio gb̄ekekeé, aai á gba aafia.

<sup>8</sup> Séia ḡia ma Lua sáaukè n̄ Yesu Kilisi gb̄aao ápii yá musu, ké á luanaaika li dún̄iaa píi yáí. <sup>9</sup> Tó máɛ wabike píi, á yá lí s̄amaguo. Lua mé ma seelade ũ. Aàpi máɛ z̀bleè n̄ ǹsemendoo, máɛ aà Né baokpa. <sup>10</sup> Mio wabikewà aà zekèkèmɛɛ lá a yeiwa, mà e m̀ á gwai sa, <sup>11</sup> asa wesiááɛ ni lé ma de maamaaɛ, ké mà Lua Nis̄ina gbae daé á zedɔa yáí. <sup>12</sup> Beewa á luanaaika n̄ ma p̀ɔ́ a wá baade gba s̄ɔ́. <sup>13</sup> Ma gb̄éɔ, má ye àò dɔ́ ké mio dile m̀ɔm̀ɔ mà m̀ɔ á gwai\* ké mà a z̄i gbɛ e á guu, lá má è buipáɛɔ guuwa, ã e tia mi ze'eo. <sup>14</sup> Geɛki yāmanaɔ n̄ Geɛki yāmansaiɔ́ píi, lad̄naɔ n̄ lad̄nsaiɔ́ píi, an

\* **1:13** Z̄ln 19.21



ń Lua d̄saoo, ̄s à ń kpá làasookpaanlayāa, ké aao yá pó de wà keoo ke. <sup>29</sup> Yāvāi pīi p̄emá: N̄s̄epāsi, b̄ii, íisea ń k̄so, w̄ed̄bak̄s̄e, gb̄ēdea, s̄ole, gb̄ēblea ń k̄ōnik̄eao. Gup̄eaaanaon ń ū, <sup>30</sup> gb̄ēyaanao, Lua ib̄eoo, gb̄é taiink̄enaoo, ȳōodeo, íandānaoo, vāi làasook̄enaoo, de ń dao yāmansai, <sup>31</sup> m̄isaideoo, náaisaideoo, gb̄éyāk̄ensai, s̄osobisaideoo. <sup>32</sup> Aa d̄s̄ Lua d̄ile ké yābeetaak̄enaoo k̄a w̄a ń dede, k̄asi aali ze ń a keao adoo, aai t̄ékpa a kenaoɔ loe.

## 2

### *Yá z̄leaa gb̄ēnaz̄inaoo wa*

<sup>1</sup> Ayāmeto n gb̄é pó ni gb̄ēpāle t̄aae e, ń awa v̄io. Tó n gb̄ēpāle t̄aae è, n nz̄ia d̄ayāue,\* asa n gb̄ētaae'ena ni ke màa s̄oe. <sup>2</sup> Wá d̄s̄ ké Lua yákpalekea ń yābeetaak̄enaoo maae. <sup>3</sup> N gb̄é pó ni yābeetaak̄enaoo t̄aae e mé ni ke s̄o, ńle e ńȳō bo Lua yákpaleu yà? <sup>4</sup> Ge ńle d̄s̄e ń Lua maak̄ea z̄ōo ń aà menao ń aà s̄uuoo yà? Ké Lua lé maak̄ene ké n̄ n̄selile, ń d̄so lé? <sup>5</sup> N swáḡb̄aak̄e, ni n̄selileo, ̄s̄ ńle p̄ok̄ūma k̄āanzi e luap̄ok̄ūmab̄ob̄omaḡooz̄i, tó Lua yákpalekea ń gb̄é a z̄éwa b̄o gup̄uau. <sup>6</sup> A fiabo baadee a yākeawa.† <sup>7</sup> Gb̄é pó aale gawi ń b̄eoo ń w̄ēni láasaio w̄elee aale maak̄e ń menao āiz̄ana e. <sup>8</sup> Gb̄é pó anz̄ia p̄oēã lé d̄baané, aa ḡi s̄ianai aa te v̄aiwo s̄o, Lua a p̄ok̄ūma ń p̄ok̄p̄ēneo b̄ob̄omá. <sup>9</sup> W̄ét̄ea ń w̄aw̄ao a v̄aik̄ena p̄ii le, at̄esa Yudaoo, an gb̄ea buip̄aleoo. <sup>10</sup> Lua a maak̄ena p̄ii gba gawi

\* **2:1** Mat 7.1-2 † **2:6** Sou 62.13

ń bεεεo ń aafiao, atēsa Yudaο, an gbεa buipāleo.

<sup>11</sup> Asa Lua lí gbēe zāboo.‡

<sup>12</sup> Gbēé pó duunakè Mɔizi ikoyā dōsai, a kaale màa ikoyāpi saiε. Gbēé pó duunakè naa ikoyāpi ɔzĩ sō, Lua a yákpalekεaànɔ ikoyāpi musuε. <sup>13</sup> I ke gbēé pó lé ikoyā ma ń swáio mé maa Luaεo. Gbēé pó lé zikewà mé a bɔ maa. <sup>14</sup> Tó bui pó aa Mɔizi ikoyā dōo yá pó kpàaio kè ń níziawae. <sup>15</sup> Aale ɔɔwēε ké yá pó kú ikoyāpi guu kú ń nòseuε. An làasoo lé a síana o ɔ, asa an làasoo mēndoo, a keeɔ ì ní dayāu, a keeɔ ì ní bɔu. <sup>16</sup> Màa yákpalekεεgɔzĩ Lua a yákpaleke ń gbēnazinao yá pó ulea an nòseu musu ń Kilisi Yesu gbāao, lá baona pó mále kpá òwa.

### *Yudaɔ ikoyādansaiνε*

<sup>17</sup> N Yuda ia, n ze ní n Yudakeo, ń Mɔizi ikoyā náai ví, níle Lua yòkε. <sup>18</sup> N Lua pɔeã dō, ń yāmaa dō ikoyāpi guu. <sup>19</sup> Nle e ní de víaɔ wεde ũ, gbēé pó kú gusiauɔ filia ũ, <sup>20</sup> wésiadeo yādanεde ũ, gbēé dafuo metulu ũ. Nle e Lua ikoyā mé dōa ń síanao mi ũ. <sup>21</sup> N gbēé pó ni yāda gbēpāleɔνε, bɔyāi nili da nziaεo ni? N mē wasu kpáí'oo, mé ni o sō bε? <sup>22</sup> Ni mε wasu wúle ń gbēpāle nɔoo, mé ni wúleò sō bε? Ni saka táaɔgu, mé ni ń kpé pɔɔ kpáí'o sō bε? <sup>23</sup> Ni yòkε Lua ikoyā musu, ɔ n ikoyāpi dasai ì Lua tó òkpa. <sup>24</sup> Asa á yáí buipāleo ìɔ Lua tɔbēesi lá a kēa láuwa.‡

<sup>25</sup> Tó ń Lua ikoyā kūa, ɔ tɔzōa ài vīνε. Tó níle a yāda sōo, ń sáa ń gyafɔɔdeɔε. <sup>26</sup> Tó gyafɔɔde Lua ikoyāo kūa, Lua a gyafɔɔdepi gwa sáa ń gbēé pó

‡ 2:11 Iko 10.17 § 2:24 Isa 52.5

tõzõoo lé? <sup>27</sup> Baa tó ní iko lápi kũa mé n tõzõ, tó ni ikoyãpi dao, gyafõde pó Ìõ kũa a to yá zõlemae. <sup>28</sup> Lá kua Yuda zálala ũá mekaa yá no, màa tõzõa zálalaá mekaa yán sõo. <sup>29</sup> Lá kua Yuda zálala ũá nòse yáε, tõzõa zálalaá nòse yáε sõ. Lua Nisina zĩε, i ke aà ikoyã lá yá no. Lua mé ì gbé bee taa sáaukpa, i ke gbēnazina no.

### 3

<sup>1</sup> Dea Yuda ũ káfia kpele a v̄ii? Ai kpele tõzõa v̄ii? <sup>2</sup> A káfia v̄i zõ yápii guu. Séia gĩa Lua a yá náné ní zĩε. <sup>3</sup> Ké an gbēo náai v̄io, bó a v̄ii? An náaisai mé a Lua náai bāde? <sup>4</sup> O! Aawo! Lua náai v̄i, baa ké gbēpiiá εedeε, lá a kēa láuwa wà mè: Tó n yá'ò, n yá a zεv̄i, tó wà yákpalekènnõ, n yá a ble.\* <sup>5</sup> Tó wá v̄aike lé Lua maake bõ gupuu, bó yá wá oi? Wá o Lua yá zεv̄io, ké ì p̄kũmabõbõwá yá yà? Gbēnazina yá'oa ñ málε owa. <sup>6</sup> O! Aawo! Tó Lua yá zεv̄io, kpelewa a f̄ yákpaleke ní dúniao? <sup>7</sup> Gbē a me, tó a εedeke lé Lua náai káfí mé àle aà t̄bõ, b̄yãi a yādaaàla lán duunkɛnawai? <sup>8</sup> Tó ní ò màa níle me wà yāv̄aike, yāmaa i b̄ou. Gbēo ma t̄bēes̄i aa mè màa mi o. Lua yādaanla k̄s̄iñnõ.

#### *Gbēe maao*

<sup>9</sup> Too! Wá Yuda wá sãõ yà? Aawo bá! Asa ma bõbõ ní Yuda ní buipãleõ pii kò, amp̄iá duuna zõnε. <sup>10</sup> A kēa Lua taalau wà mè: Gbēe maao, baa do. <sup>11</sup> Laaidee kuo, luakiwεelεnae kuo.

\* **3:4** Sou 51.6

12 Aa pàale nípii, aa fòkpà,  
yāmaakēnae kuo, baa dō.†

13 An nòse de lán kaadɔembewaε.

Aaɪ lenakasané,  
mlè sewe kú ní léu,‡

14 yá<sup>†</sup>ii ní gbékaao mé ní lé pà.§

15 Aa wāa ní gbēdeao,

16 aaɪ músi ní pɔsiao kpánzi,

17 aa aafia zé dō,\*

18 aa Lua vía vío.†

19 Wá dō ké Lua ikoyā pii de gbé pó kú a ɔzi yá ũε,  
ké gbépii lé gō kpaaŭa, dúnia gbépii i gō taaede ũ  
Luaε. 20 Asa gbēε a bɔ maa Luaε ikoyāpi kŭa yáio.‡  
Lua ikoyā mé ì to wà duuna dō.

### *Lá Lua ì to yá bɔ́nɔ na*

21 Lá Lua ì to yá bɔ́nɔ na bò gupuau sa, lá a yá kú  
Mɔzi ikoyā ní anabio lác guuwa. I ke aà ikoyā kŭa  
yá no. 22 Lua ì to yá bɔ́nɔ na Yesu Kilisi náaike  
yáie. Gbé pó lé aà náaike pii yáε, asa gbēε adoo.

23 Gbépii duunakè, ɔ aa kèsā Lua gawii. 24 Lua ì to  
yá bɔ́nɔ na gba ũ a gbēke yáí ní Kilisi Yesu pó ní bó  
gbāao. 25 Aàpi Lua kpà duuna awakpabɔ ũ gbé pó  
aale aà au náaikeɔne, ké à ɔb gbépiiε i yáke a zéwaε.  
A menakè yāa, i duun zio yādao, 26 ɔ tia kéwa a òbɔné  
i yáke a zéwa. Beewa Lua ì yáke a zéwa mé ì to yá  
bɔ́ ní Yesu náaikeɔna na bɔ.

27 Lá maaε, gbēnazina a fɔ́ íanadā bε? Bee kuo.  
Bóyái ni? Ké a de yáke yá ũo, Yesu náaike yáε

† 3:12 Soũ 14.1-3    ‡ 3:13 Soũ 5.10, 140.3    § 3:14 Soũ 10.7

\* 3:17 Isa 59.7-8    † 3:18 Soũ 36.1    ‡ 3:20 Soũ 143.2, Gal 2.16

yáí. <sup>28</sup> Asa má è Lua ì to yá bọ́ n gbéó na àà Luapi náaikéa yáíe, ikoyākūa ku a guuo. <sup>29</sup> Luaá Yudaọ Luae ndoa? Buipáleọ Luan ssoa? Ao, buipáleọ Luae lb. <sup>30</sup> Asa Lua mendoe. § A to yá bọ́ n gbé pọ́ tẏzọ́ na a náai pọ́ àle ke yáíe, mé a to yá bọ́ n gyafọ́de na a náai doŭpi musu lb. <sup>31</sup> Wále ikoyā bāde n luanaaikéao yà? Maa no, wále a kpelae.

## 4

### *Lua tò yá bọ́ n Ablahaũ na a náai pọ́ a kè yáí*

<sup>1</sup> Wá Yudaọ, wá o kpelewa wá dezi káau Ablahaũ yá musu ni? <sup>2</sup> Tó Lua tò yá bọ́ na yá pọ́ a kè yáíe, dō à f̄ ìanadà. Ama a f̄ dā Luae. <sup>3</sup> Kpelewa wa ò lá guui? Wà mè Ablahaũ Lua náaikè, ã Lua tò yá bọ́ na. \* <sup>4</sup> Fiaboa zikenaéá gbēkēkēe no, àà aseae. <sup>5</sup> Baa tó gbé lé yāe keo, tó àle Lua pọ́ ì to yá bọ́ n taaedeọ na náaike, Lua a to yá bọ́ na a náai pọ́ àle ke yáíe. <sup>6</sup> Davidi gbé pọ́ Lua tò yá bọ́ na yāekesai báaa'ea yā'ò à mè:

<sup>7</sup> Báaadeọn gbé pọ́ Lua n taaeọ wòlomá à n duuna kēmáọ ũ.

<sup>8</sup> Báaaden gbé pọ́ Dii a àà duuna yādao ũ.†

<sup>9</sup> Báaa beea gbé pọ́ tẏzọ́ pọ́e adoa, ge gyafọ́de pọ́e lb? Wà mè Lua tò yá bọ́ n Ablahaũ na, ké à a náaikè yáíe. <sup>10</sup> Kpelewa Ablahaũ de gọọ pọ́ Lua tò yá bọ́ nai? Àà tẏzōaa ge gyafọ́de? I tẏzōo, gyafọ́de. <sup>11</sup> † à tẏzọ́, ké Lua tò yá bọ́ na a gyafọ́gọọ seela ũ.‡ Maa a de gyafọ́de pọ́ Lua tò yá

§ 3:30 Iko 6.4 \* 4:3 Daa 15.6, Gal 3.6 † 4:8 Sou 32.1-2 ‡ 4:11 Daa 17.10



bòrínò na Luapi náaikéa yáíò píi dezi ũ. <sup>12</sup> A de gbéé pò aa t̄z̄z̄ò dezi ũ lóe. I ke an t̄z̄z̄a yáí no, ké aa té wá dezi Ablahaũ pò Lua náaikè a gyaf̄ooḡo iai yáíe.

### *Lá Ablahaũ Lua náaikè*

<sup>13</sup> Lua legbè Ablahaũe ní aà buiò à mè dúnia a ḡò ní pò ũ. § I ke aà ikoyā kūa yáí no, ké Lua tò yá b̄àànò na a náai pò a kè yáíe. <sup>14</sup> Tó gbéé pò aa ikoyā kūaò mé aa kible, d̄ò luanaaikéa ài vío, mé Lua legbēa kè famaε,\* <sup>15</sup> asa ikoyā ì mós ní Lua p̄kūmaoε. Gu pò ikoyā kúuo, tàae lío ku we s̄o. <sup>16</sup> Ayāmeto pò pò Lua a legbè eaá aà náaikéa yáe, ké àò de aà gbēkeyā ũ. Beewa legbēapiá Ablahaũ buipio píi p̄oε, i ke gbéé pò aa M̄oizi ikoyā kūa r̄t̄eε no, ní gbéé pò aale Lua náaike lán Ablahaũwaε ló. Ablahaũá wápii deziε.† <sup>17</sup> A de wá dezi ũ Lua k̄i, lá a k̄ea láuwa. Lua mè a aà d̄iε bui dasiò dezi ũ. Ablahaũ Lua pò ì wēni kpa ḡoowa ì to pò pò kú yāaò àò ku‡ náaikè. <sup>18</sup> A Lua náaikè, à w̄edò pò pò gbēe wé d̄oiozi, ò à ḡò bui dasiò dezi ũ lá Lua d̄èwa à mè, aà buiò aao dasi lán saanaowa. § <sup>19</sup> Ablahaũ kà w̄è baso taawa. Baa tó à làasookè a ḡōekeb̄osaiwa ní Sala neasakpe kákaao, aà luanaaikéa lí busao.\* <sup>20</sup> Ili seake lé pò Lua gb̄ēewao, i ḡi Lua náaikéio, ò à gb̄āa'è a luanaaikéawa à Lua t̄òb̄ò, <sup>21</sup> asa a d̄ò a f̄ea vío, Lua gb̄āa kà à lé pò á gb̄ēpi ke. <sup>22</sup> Ayāmeto Lua tò yá b̄àànò na. <sup>23</sup> W̄i yá b̄oaaànò napi k̄e aà yáí adoo, <sup>24</sup> wa kè wá gbéé pò Lua a to yá b̄owano

§ 4:13 Daa 17.4-6, 22.17-18, Gal 3.29 \* 4:14 Gal 3.18 † 4:16 Gal 3.7 ‡ 4:17 Daa 17.5 § 4:18 Daa 15.5 \* 4:19 Daa 17.17

nao yáie lo, wá gbé pò wále Lua pò wá Dii Yesu bò gau náaikεo. <sup>25</sup> Lua aà kpámá ké à e wá tàaeo kéwá yáie,† ã aà bò gau, ké yá e bɔwanɔ na yái.

## 5

### *Kεa na n̄ Luao*

<sup>1</sup> Lá Lua tò yá bɔwanɔ na a náai pò wále ke yái, wá naaàno sa n̄ wá Dii Yesu Kilisi gbāao. <sup>2</sup> Aà náaikεa guu wa ze'è aà sabai wa gē Lua gbēke pò wá kuopi guu, ã wále pɔnake n̄ Lua gawi pò wá wé dɔio. <sup>3</sup> I ke bee ado no, wále pɔnake n̄ wá taasikεao lo, ké wá d̄s taasikεa ì m̄ n̄ menao, <sup>4</sup> mena ì m̄ n̄ dàa maa, dàa maa ì m̄ n̄ wedɔa Luazio, <sup>5</sup> mé wedɔa Luazipi fama v̄io, asa Lua a Nis̄ina p̄isi wá n̄s̄eu, ã a tò wá d̄s̄ a yewázi. <sup>6</sup> Wá gbāasai guu Kilisi gà wá v̄aikεnao wá gb̄eu gɔɔ pò Lua d̄ilewa. <sup>7</sup> Baa gaa gbēmaa gb̄eu àao. Tó gbé a we ga gbēmaa gb̄eu, wá d̄s̄o, <sup>8</sup> ã Lua òlwēe lá á yewázi, asa wá duundeke guu ã Kilisi gà wá gb̄eu. <sup>9</sup> Lá wa bɔ maa sa Kilisi au yái, Kilisipi wá sia Lua p̄okūmawa sea v̄i l̄e? <sup>10</sup> Yāa wá ìi n̄ Luaoε, ã wa keaàno na aà Né gaa yái. Lá wa keaàno na sa, wá suabaa aà kua wēni guu yái sea v̄i l̄e? <sup>11</sup> I ke beee adoo, wále pɔnake n̄ Luao lo n̄ wá Dii Yesu Kilisi pò tò wa keaàno na gbāao.

### *Kilisi yáleεta n̄ Adamuo*

<sup>12</sup> Gbé m̄endo mé tò duuna gè d̄unia guu,\* ã duuna ga ì.† Beewa ga ì gbēpiia, ké gbēpii duunakè yái. <sup>13</sup> Duuna ku d̄unia guu e Lua ikoyā ào gé mói. Gɔɔ pò ikoyā kuo, Lua i duuna yādao, <sup>14</sup> āma sea

† 4:25 Isa 53.4-5      \* 5:12 Daa 3.6      † 5:12 Daa 2.17

Adamuwa e à gè pè Mɔiziwa ga ikokè gbépiiwa, baa gbé pò aai duunake lán Adamu zāayāwawao. Adamupíá gbé pò a mɔ taaε.

<sup>15</sup> Ama Lua gba muua ní Adamu tàaeoo, asa lá dasi gà Adamu ado zāa yáwa yáí, Lua gbēke ní a gba pò lí dasila Yesu Kilisi ado gbēke yáío de beea. <sup>16</sup> Lua gba muua ní gbé mendo duunapioo. Tàae mēndopi mé m̀ò ní yákpalekeao, ɔ́ yá z̀le gbēnazinaɔwa. Tàae m̀ò ní Lua gbēkekeanéo, ɔ́ yá b̀ò ní gbé na. <sup>17</sup> Lá Adamu ado tàae mé tò ga ikokè, Yesu Kilisi ado yá pò à m̀ò z̀o de beea. Aà yáí gbé pò Lua gbēkekèné a tò yá b̀ínɔ na gba ũ kible àizāna guu. <sup>18</sup> Beewa lá tàae mēndopi tò yá z̀le bui píiwa, màa lɔ maakea mēndopi ì to bui píi bɔ maa, aai àizānable. <sup>19</sup> Lá gbé mendo swágbāa mé tò dasi g̀ò duunde ũ, màa lɔ gbé mendo yāmaa mé a to dasi bɔ maa. <sup>20</sup> Ikoyā m̀ò ké tàae e àò káfi yáíε. Lá duuna lé káfi, Lua gbēke lɔ diadiε. <sup>21</sup> Lá duuna kiblea m̀ò ní gao, màa lɔ Lua gbēke kiblea ì to wà bɔ maa, wí àizānable ní wá Dii Yesu Kilisi gbāao.

## 6

### *Wá naa Kilisiwa*

<sup>1</sup> Wá o kpelewa ni? Wá gi wàò te duunawa ké Lua gbēke e àò káfi yà? <sup>2</sup> O'o! Aawo! Wá gbé pò wá de geo ũ duuna yá musu, kpelewa wá gi wàò te duunawa bi? <sup>3</sup> Wá gbé pò wa da'ilekè Kilisi Yesu pò ũ, á d̄ó ké wá s̄anuaànɔ aà ga guuo lé? <sup>4</sup> Wa gaaànɔ, wà wá víaànɔ da'ilekea guu, lá Kilisi b̀ò gau ní a Mae gbāa

gawideo, ké wápiɔ sɔ wàò kú ní wēni dafuo màa.\*  
 5 Lá wa naawà lán sàwakula ní gbalaowa aà ga guu, wá gɔ̀aà̀nɔ màa aà vua guu ɔ. 6 Wá dɔ́ ké wà wá kua zi pà lipãakɔ̀awa ní Kilisio, wá mè duunde i midε, ké wásu wàò zɔ̀ble duunaε ɔ, 7 asa gbé́ pò gà b̀ò duuna yáúε. 8 Lá wa ga ní Kilisio, wá a náai ví ké wáɔ kuaà̀nɔ ɔ. 9 Wá dɔ́ lá Kilisi b̀ò gau, a gaa ví ɔ, ga iko víwà ɔ. 10 Asa ké à gà, à gà duuna yá musu gēn doε, mé lá a ku tia, a ku Lua pò ũ. 11 Màa ápiɔ sɔ, à ázia dile gεɔ ũ duuna yá musu, ɔ ku Lua pò ũ naa Kilisi Yesuwa. 12 A yáí ásu to duuna kible á mè gεwa, a d́é'li dɔ̀aaé ɔ. 13 Asu à á megue kpa duunawa vãikεɔ ũ. A ázia kpa Luawa gàbɔɔ ũ, í á meguo kpawà yãmaakεɔ ũ. 14 Asu to duuna àò iko víwá ɔ, asa á na ikoyã zɔ̀i, sema Lua gbéke.

15 Kpelewan wei? Lá wá kú ikoyã zɔ̀i ɔ, sema Lua gbéke zɔ̀i, wáɔ te duunawa yà? O'o! Aawo! 16 A dɔ́ tó a ázia kpà gbéwa, ále misiilè, á dε ade zɔ̀ ũo lé? Tó duuna a ázia kpàwà, á gaε. Tó a misiile Luaε sɔ, á bɔ maa. 17 Wa sáaukè ní Luao, asa duuna zɔ̀n á ũ yã, ñ a misiile yá pò wa dàé zézeε ní ǹsemendo. 18 A bɔ duuna yáú, a gɔ́ maakea zɔ̀ ũ. 19 Mále bee o gbēnazina yã'oawa á gbãasai yáie. Lá a á mε kpà yãa gbãsi ní yãvãiwɔwa zɔ̀ ũ, a vãikè, màa tia ɔ à á mε kpa maakeawa zɔ̀ ũ, á kua ɔ adoa. 20 Ké á dε duuna zɔ̀ ũ yãa, á bàa kú ní yãmaakeaoo. 21 Ai kpele á è yá pò á kè yãa, à kèé wiyã ũ tiaɔ musui? Yápiɔ midεaá gaε. 22 Tiasa lá a bɔ duuna yáú, ále zɔ̀ble Luaε, ài pò á e mé kua adoa pò a midε ní wēni láasaio ũ. 23 Duuna aseá gaε, ama gba pò Lua í

\* 6:4 Kls 2.12

dawɛɛ naa wá Dii Kilisi Yesuwa guu mé wɛni láasai ũ.

## 7

### *Wá kú Mɔizi ikoyã ɔzi bo*

<sup>1</sup> Ma gbɛ́ɔ, mále yá'óé lán gbɛ́ pɔ Mɔizi ikoyã dɔɔwa. A dɔ́ ké ikoyãpi iko vɛ́ gbɛ́wa gɔɔ pɔ a ku noa?

<sup>2</sup> Maa ikoyãpi nɔzãe yè a záwa gɔɔ pɔ a béɛ. Tó gɔ́ gá, ã ikoyãpi ì polowà. <sup>3</sup> Gɔɔ pɔ aà zá kú, tó à gɔ́ gɔ́ pãle pɔ ũ, wa oè dɔ́ɛ'lideɛ. Tó aà zá gãe sɔ, ikoyãpi pòlowàn we. Tó à gɔ́ gɔ́ pãle pɔ ũ sa, beeá dɔ́ɛ'li yán bo. <sup>4</sup> Maa ápiɔ sɔ ma gbɛ́ɔ, a ga ikoyã musu Kilisi me guu, ã a gɔ́ gbɛ́ pɔ bɔ gaupi pɔ ũ, ké wà e káflakɛ Luaɛ. <sup>5</sup> Ké wá dàa d̀aawɛɛ yãa, ikoyã mé tò duuna ni wá dé wá me guu, ã wa káflakè gaɛ. <sup>6</sup> Tia sɔ wa ga pɔ pɔ wá kú zɔ ũpi yá musu, wa bɔ ikoyãu, ã wále zɔble Luaɛ zé dafu guu ní aà Nisina gbãao, i ke ikoyã lá zé zi no.

<sup>7</sup> Wá o kpelewa ni? Lua ikoyãá duuna yà? Aawo bá! Ikoyãpi mé tò ma duuna d̀. Tó ikoyã i me wasu pɔ b̀ikɛoo,\* d̀ mi d̀ lá pɔ b̀ikɛa deo. <sup>8</sup> Duuna zekii è yá pɔ Lua d̀ilepiwa, ã a tò pɔpii ni ma de. Asa ké má ikoyã d̀ɔ, duuna demɛɛ yãe ũo. <sup>9</sup> Yãa ké má ikoyã d̀ɔ, má béɛɛ. Ké ma yãdileapi mà, duuna vù iu, <sup>10</sup> ã ma ga. Yãdilea pɔ de à wɛni kpaapi ga ìmɛɛ. <sup>11</sup> Duuna zekii è yãdileapiwa, ã à ma sãã à ma de yápi sabai. <sup>12</sup> Beewa ikoyãpi kua adoa, mé yá pɔ Lua d̀ilepi kua adoa, a zɛvɛ́ mé a maa. <sup>13</sup> Yãmaa mé tò ma gaa? Aawo bá! Ké duuna e bɔ gupuau, ã à

\* 7:7 Bɔa 20.17

yāmaa m̄aokè, a tò ma ga. Beewa wa duuna d̄ò duuna ũ yādileapi sabai.

### *Zikaa ní duunao*

<sup>14</sup> Wá d̄ò ké ikoyāpiá Lua yáε. Mapi s̄ò, dàaden ma ũ, má na duuna ɔ̄zi. <sup>15</sup> Miliɔ yá p̄ó mále ke gbad̄so, asa mili yá p̄ó má ye mà ke keo, yá p̄ó má ye mà keo ɔ̄ mi ke.† <sup>16</sup> Tó yá p̄ó má kè i kpaai ní ma p̄oẽao, ma we ikoyāpi maakei. <sup>17</sup> I ke máme mále keo, duuna p̄ó kú ma guue. <sup>18</sup> Má d̄ò yāmaa ku ma guuo, ma dàa maa. Mio ye mà yāmaake, āma mili f̄ó má kèo. <sup>19</sup> Yāmaa p̄ó má ye mà ke, mili keo. Yāvāi p̄ó má yeio ɔ̄ mi ke. <sup>20</sup> Tó yá p̄ó má yeio ɔ̄ mále ke, i ke máme mále keo, duuna p̄ó kú ma guue. <sup>21</sup> Má è tó má ye mà maake, vāi mé ì d̄oameε. <sup>22</sup> Lua ikoyā mé ì kemεε na ma s̄ò guu, <sup>23</sup> āma má è iko pāle ku ma me guu, ì z̄ika ní iko p̄ó kú ma n̄ɔse guuo, a tò má na duuna iko p̄ó kú ma me guu ɔ̄zi. <sup>24</sup> Ma w̄enade ia, déme a ma si ma mè ḡεε beewai? <sup>25</sup> Ma sáaukè ní Luao! N wá Dii Yesu Kilisi gbāao. Beewa ɔ̄ mi z̄oble Lua ikoε ma làasoo guu, mé mi z̄oble duuna ikoε ma dàa guu.

## 8

### *Ziblea ní Lua Nisina gbāao*

<sup>1</sup> Yá a z̄ole gb̄é p̄ó aa naa Kilisi Yesuwaɔwa lo, <sup>2</sup> asa naa Kilisi Yesuwa Lua Nisina W̄enikpamade gbāa ma bo gbāa p̄ó duuna ní gao lé m̄omεε guu. <sup>3</sup> Yá p̄ó M̄ozi ikoyā i f̄ó kèo gb̄enazina gbāasaikε yái Lua kè. A azia Né z̄i gb̄enazina ũ lán wá duundeɔwa duuna woloawá yái, ɔ̄ à widà duunawa a Né mepi

† 7:15 Gal 5.17

guu, <sup>4</sup> ké yá pó ikoyā lé wεεε siana ke wá gbé pó wá dàa lé dɔaawεε bo, sema Lua Nisinaɔwa. <sup>5</sup> Gbé pó an dàa lé dɔaanéɔ ì laaidɔ ní dàa yáwa. Gbé pó Lua Nisina lé dɔaanéɔ ì laaidɔ Lua Nisina yáwa. <sup>6</sup> Laaidɔa dàa yáwaá gaε. Laaidɔa Lua Nisina yáwaá wēni ní aafiaoε. <sup>7</sup> Laaidɔa dàa yáwaá íisea ní Luaoε. Ade lí misiile Lua ikoyāεo, a fĩ seo. <sup>8</sup> Gbé pó an dàa lé dɔaanéɔ yá lí ká Luaguo.

<sup>9</sup> Apio sɔ, á dàa lé dɔaaéo, sema Lua Nisina, tó a kú á guu siana. Tó gbé Kilisi Nisina vī sɔo, a de Kilisi gbé ũo. <sup>10</sup> Tó Kilisi kú á guu, baa tó á me de ge ũ duuna yái, Lua Nisina deé wēni ũε,\* ké Lua tò yá bɔánɔ na yái. <sup>11</sup> Tó Lua pó Yesu bò gau Nisina kú á guu,† Lua pó Kilisipi bò gau a wēni kpá á mè gepiwa ní a Nisina pó kú á guu gbāao.

<sup>12</sup> Ayāmeto ma gbéɔ, wá té wá dàai teasi no. <sup>13</sup> Tó á té á dàai, á gaε. Tó a á yāvāikeaɔ mīde ní Lua Nisina gbāao sɔ, áo ku. <sup>14</sup> Gbé pó Lua Nisina ì dɔaanéɔ mé Lua néo ũ. <sup>15</sup> Asa táa pó ì to wà zɔble ní vīao mé diéo, Lua Nisina pó tò a gɔ Lua néo ũ ñ á vī, ñ wi wiile Luawa ní à gbāao wi me: Baa, wá Mae.‡ <sup>16</sup> Nisinapi mé ì owεε wá sɔu Lua néon wá ũ. <sup>17</sup> Lá néon wá ũ, àizeεblenaɔn wá ũ. Lua àizeεblenaɔn wá ũ, wá ble sānu ní Kilisioε. Tó wa taasikεaànɔ, wáɔ kuaànɔ aà gawi guu.§

### *Wεdɔa Lua gawii*

<sup>18</sup> Má è wá fĩ gɔɔε bee taasi leεũ ní gawi pó Lua a bɔowεεoo. <sup>19</sup> Lua pɔkeaɔ pii wé dɔ aà néo

\* **8:10** Zaa 6.63 † **8:11** 1Kln 3.16 ‡ **8:15** Maa 14.36 § **8:17** Gal 4.5-7

bɔa gupuauɪ láasai. <sup>20</sup> Asa Lua tò a pɔkeaɔ pii gò dɔsaiɛ.\* I ke an pɔeã no, Lua mé kè màa, ké wɛdɔaaazi guu <sup>21</sup> dúnia a bɔ òòkpaa pɔ àlɛ zɔbleù, i dèepoo Lua néɔ gawi guu. <sup>22</sup> Wá dɔ Lua pɔkeaɔ pii lé aauke ní wāwāo e tia. <sup>23</sup> I ke dúnia ado no, wá gbé pɔ wa Lua Nisina è gba séia ũ, wále aauke kpáikpái sɔ e Lua àò gé wá boi, i wá sí a néɔ ũ.† <sup>24</sup> Lua wá suabà, ké wá wɛdɔ beei. Pɔ pɔ wa è ní wéoa wɛdɔia yáe bo. Déme ì wɛdɔ pɔ pɔ a èi bi? <sup>25</sup> Tó wá wé dɔ pɔ pɔ wi eozi sɔ, wiò dá ní menaoɛ.

<sup>26</sup> Beewa sɔ Lua Nisina ì dɔwále wá gbāasai guu, asa wá wabikɛa dɔ a zéwao, ò Lua Nisina ì kulekewɛɛ Luaɛ ní aau pɔ a yá gè oao. <sup>27</sup> Lua ì nòse guu e, mé a a Nisina láasoo dɔ, asa Lua Nisina ì kuleke Lua gbéɔne lá Lua yeiwaɛ. <sup>28</sup> Wá dɔ ké yápii ì bɔ maa gbé pɔ ye Luaziɔne, gbé pɔ à ní sisi à ní sé lá àlɛ yáwao. <sup>29</sup> Asa Lua ðile za káau gbé pɔ a dɔaa ní dɔɔ bɔ a Néwa, ké aàò de vìi ũ dàuna dasiɔne. <sup>30</sup> Gbé pɔ à ní díle za káaupio ò à ní sisi, ò a tò yá bò ní gbé pɔ à ní sisipio na, ò à a gawi lì gbé pɔ a tò yá bònino napioɛ.

<sup>31</sup> Wá o kpelewa yá beeɔ musu ni? Lá Lua zèwanɔ, déme a bɔ wá kpɛi? <sup>32</sup> Lá i gi ní azia Néoo, à aà kpà wápii yáí, a wá gba pɔpii bo lé? <sup>33</sup> Déme a bɔbɔ ní gbé pɔ Lua ní séi? Luapi mé tò yá bòwanɔ na. <sup>34</sup> Déme a yádawáí? Kilisi Yesu gà à èa vù. A ku Lua oplaai, àlɛ kulekewɛɛ. <sup>35</sup> Bómɛ a wá ké Kilisi yeawáziwai? Taasi ge wétèa ge íadama ge nana

\* **8:20** Daa 3.17-19 † **8:23** 2Kln 5.2-4



ge taasideke ge kai ge fēnda, an kee a fēe? <sup>36</sup> A ku lá guu wà mè:

N yáí wá kú ga lézi za koo e oosi,  
wí wá dile lán sã pó wa ní kòlokpaowa.‡

<sup>37</sup> Yá beeo píi guu wále zible àanno ní gbé pó yewázi gbāao. <sup>38</sup> Asa má dō sásã ké ga ge wēni ge malaikao ge táao ge tia yá ge zia yá ge gbāadeo <sup>39</sup> ge musupoo ge zilepo ge Lua poka palear, an kee a fō wá ké Lua yewáziwa naa wá Dii Kilisi Yesuwa guuo.

## 9

### *Lua Isaili sea*

<sup>1</sup> Mále síana'o naa Kilisiwae, mále eetoo. Lua Nisina pó dōaa ma láasooe mé demee yápi seelade ũ. <sup>2</sup> Ma posia kè zài, ma nõse ìo yaa goopii. <sup>3</sup> Má fō wabike Luawa aà ma kē Kilisiwa, aà láaikaa ma Isaili deeo gbēu. <sup>4</sup> Ampio ã Lua ní sé a néo ũ, \* à a gawi òlóné, aà bàa kúrino, à a ikoyã kpamá, à lousisia dàné, à legbèné. <sup>5</sup> Aa de Lua gbé káauo buio ũ, mé an bui guu ã Kilisi pó de pópia bōu gbēnazina ũ. Ome Lua pó kù wào a sáaukpa goopii ũ. Ami.

<sup>6</sup> I ke yá pó Lua ò lèle pã no, asa Isaili pii mé Isaili zálala ũo. <sup>7</sup> I ke Ablahaũ bui pii mé Ablahaũpi néo ũ Luaeo, asa Lua ò Ablahaũe à mè, Izaaki buio ã wàli oné aà buio.† <sup>8</sup> Beewa i ke né pó à ní ní pœãoo mé Lua néo ũo, né pó à ní ní Lua legbēa musuo mé de buipio ũ. <sup>9</sup> Asa Lua legbè à mè: Má ea mo zii maa'i, Sala i ne'i gōe ũ.‡ <sup>10-12</sup> I ke beee adoo. Lua ì gbé se lá àle yáwae,

‡ **8:36** Sou 44.23 \* **9:4** Baa 4.22 † **9:7** Daa 21.12 ‡ **9:9** Daa 18.10

i ke an yākea yāi no, ké à ní sisie. Beewa ké Lebeke sīao nōsī ní wá dezi káau Izaakio, e àò gé ní ii, e aao gé maa ge vāikei, Lua ò Lebeke a pò b̀ káau a gō né ũ gbé źáε. § 13 Lá a kēa láuwa wà m̀è:

Má ye Yakobuzi,

Esau s̄, má yeio.\*

14 Wá o kpelewa ni? Yāvāi ku Lua kíi yà? Aawo

bá! 15 Asa a ò M̄izie,

gbé pò á ye s̀uuukeaàno ò á ke,

mé gbé pò á ye wēnad̄è ò á d̄è.†

16 Ayāmeto Lua gbé̄o sea i bo gbēnazina p̄eā guuo

ge an k̄aik̄ea, à b̀ Lua s̀uu guue. 17 Asa lá guu

Lua ò Falāoε à m̀è: Ma n kpa kpalau ké mà a gbāa

o gbé̄oε n musue, ma tó i li d̄úniaa pii.‡ 18 Beewa

gbé pò a ye s̀uuukeaàno ì keaànoε, mé gbé pò a ye aà

swágbāa kú, ì kú.

19 A gbēe a ma la, b́yāi Lua lé gbé̄o t̄ae e bi?

Déme a f̄ gi Lua p̄eāi? 20 N gbēnazina ia, dén n

ũ n gbas̄a n yáz̄āsi Luawai? Oo a a bona la, b́yāi

n ma bo kéwaia?§ 21 Oobona z̄ev̄i à oo swāde ní oo

swāsaio bo ní g̀i dou pò á t̀otoo lé? 22 Tó Lua ye à

a p̄k̄uma o b̄né ké aa a gbāa d̄, mé à mena z̄o k̄é ní

gbé pò de à p̄k̄umab̄o b̄má à ní kaaleo s̄ be! 23 Tó à

bee k̄é, ké gbé pò de à s̀uuukēr̄no à d̄aa ní keke aa

ḡe a gawi guuo a gawi z̄o d̄e s̄ be! 24 Gbé pò Lua ní

sisi à ní sép̄ion wá ũ. I ke Yudāoε r̄doo, ní buip̄aleoε

s̄. 25 Lá Lua ò ānabi Ozee lá guuwa à m̀è:

Bui pò de ma gbé̄o ũo ò má oné ma gbé̄o.

§ 9:10-12 Daa 25.23 \* 9:13 Mal 1.2-3 † 9:15 B̄a 33.19 ‡ 9:17

B̄a 9.16 § 9:20 Isa 45.9

Bui p3 má yerziao ã máo yerzi.\*

26 Gua p3 Lua òné aa de a gbé3 ò, we wa ouné Lua bé3pi né3.†

27 Isaia wiilè Isailio yá musu à mè: Baa tó Isailio dasi lán ísiale úfáawa, an k3nao mé a b3.

28 Asa Dii a yá p3 a ò ke dúniau, mé a a midé zezesaié.‡

29 Lá Isaia d3aa òwa à mè: Tó Dii Zíg3de i wá buie3 to yáao, d3 wa g3 lán S3d3úde3wa, wí b3 G3m33de3wa.§

### *Isailio gia Kilisi baonai*

30 Wá o kpelewaé sa? Buipáleo lé weele Lua to yá b3r3no nao, ã a tò à b3r3no na. A tò yá b3r3no na a náai p3 aa ke yáie. 31 Isailio s3 aale weele Lua to yá b3r3no na ikoyá musu, ã i b3r3no nao. 32 B3yái ni? Ké aa ye Lua to yá b3r3no na an yákea yá yáie, i ke aà náaikea yáí no. Aa g3mb3le gbé p3 ì ní pálewa, 33 lá a k3a láuwa:

Gwa, mále gbé p3 ì to wà g3mb3le dile Si3na, gbesi p3 ì to wà fu.

Wí a gbé3 p3 lé aà náaike kúo.\*

## 10

1 Ma gbé3, yá p3 má yei ma s3 guu, mále a wabike Luawa mé Isailio suabaa ú. 2 Má de a seelade ú, ké aa áiaví ní Lua yáo, áma an wé k3ao. 3 Asa aa lá Lua ì to yá b3r3no na d3o, ã aa3 weele yá b3r3no na

\* 9:25 Oze 2.25 † 9:26 Oze 2.1 ‡ 9:28 Isa 10.22-23 § 9:29 Isa 1.9 \* 9:33 Isa 28.16

ń nńzia gbãao. Aai lá Lua ì to yá bɔ́nɔ na sio. <sup>4</sup> Asa Kilisi Mɔizi ikoyã lepàpa, ɔ́ yá Ì bɔ́ ń aà náaikenaɔ na. <sup>5</sup> Lá ikoyã ì to yá bɔ́nɔ na ɔ́ Mɔizi ò a taalau à mè, gbé pɔ́ yápi kúa aɔ ku a sabai.\* <sup>6</sup> Lá luanaaikɛa ì to yá bɔ́nɔ na a ò à mè:

Nsu o n nɔ̀seu,

déme a gé luabe à Kilisi pilaio,

<sup>7</sup> ge déme a gé bedau à Kilisi bɔ́ gauio.

<sup>8</sup> Yá pɔ́ a òn ke:

Yápi kunnɔ́ kái,

a kú ń léu ń n nɔ̀seu.†

Luanaaikɛa yá pɔ́ wi a waasokpa ɔ́n yápi ũ. <sup>9</sup> Tó ń ò ń léo gupuuu Yesu mé Dii ũ, mé ń a náai ví n nɔ̀seu Lua aà bɔ́ gau, a n suaba. <sup>10</sup> Asa yápi náai vía nɔ̀seu ì to gbé bɔ́ maa, mé yápi oa ń léo ì gbé suaba. <sup>11</sup> A kɛa Luayãtaalau wà mè, wí a gbé pɔ́ lé aà náaike kũo.‡

<sup>12</sup> Yudaɔ ń buipáleɔ dodoa kɔ̀seu, asa ampíi an Dii douɛ, ì káfiakɛ a sɔ̀sinaɔne píi. <sup>13</sup> Asa Dii sɔ̀sinaɔ bɔ́ píi.§

<sup>14</sup> Kpelewa aa aà sísi aà náaikɛsaii? Kpelewa aa aà náaike aà yá masaii? Kpelewa aa aà yá ma waasokenasaii?

<sup>15</sup> Tó wi waasokenaɔ zímáɔ, kpelewa aa waasokenéi? A kɛa Lua taalau wà mè: Baonakpanaɔ mɔ́a na.\*

<sup>16</sup> Ama gbépii i baonapi sio. ɔ́ Isaiá mè: Dii, déme wá yá sɔ̀i? † <sup>17</sup> Beewa luanaaikɛa ì bɔ́ aà yámaa kíiɛ, mé yápiá Kilisi yáɛ.

<sup>18</sup> Ma mè yóo! Aai mao lé? Aa mà.

An bɔ́ tà dúnia guu píi,

\* **10:5** Lev 18.5 † **10:8** Iko 30.12-14 ‡ **10:11** Isa 28.16 § **10:13**

Yoɛ 3.5 \* **10:15** Isa 52.7 † **10:16** Isa 53.1

an yā'oa gè e tɔɔle léwa.‡

<sup>19</sup> Ma m̀e yóo! Isailio i d̄so lé? M̄ozi d̄aa ò à m̀e:

Má tó bui pó aa de ma gbé ũo á pɔ feleé,

má tó á pɔ pa bui wésiadeo yá musu.§

<sup>20</sup> ¶ Isaia s̄d̄ile à Lua leɔɔekè à m̀e:

Gbé pó aale ma kíi welelo mé ma e,

ma azia òb gbé pó aale ma gbeaone.\*

<sup>21</sup> Isailio yá musu s̄ Lua ò:

Za koo e oosi ma ɔ̀d̀ bui swágbãade pó f̄emanoozi.†

## 11

### *Lua i Isailio v̄uaao*

<sup>1</sup> Ma m̀e yóo! Lua azia gbéɔ̀ v̄uaa yà? Aawo bá! Mapi, Isailin ma ũ. Ablahaũ buin ma ũ B̄yãmeɛ

bui guu.\* <sup>2</sup> Lua i a gbé pó à d̄aa ní d̄so v̄uaao. A Elia

yá pó kú lá guue bee d̄so lé? Ké à gè ní Isailio yáo Lua

kíi à m̀e: <sup>3</sup> Dii, aa n ānabio d̄ede, aa n gbagbakio

d̄ele. Máme ma ḡo mado, ã aale ma we.† <sup>4</sup> Lua ò

Eliaɛ kpelewa ni? A m̀e á gbé pó aai kúle táaeo k̄ua

a pó ũ gb̄eɔ̀n òaasoo leɛ s̄opla (7.000).‡ <sup>5</sup> M̀aa an

k̄ona pó Lua ní sé a gb̄eke guu ḡò gb̄ã lo. <sup>6</sup> Lá à ní sé a

gb̄eke guu, i ke an yákea yái no. Tó m̀aa no, d̄s Lua

gb̄ekeo gb̄eke ũo. <sup>7</sup> Kpelewan wei? Isailio i yá pó

wàle wele eo, āma an gbé pó Lua ní séo è. Gbé kíni

nòse tàta, <sup>8</sup> lá a k̄ea láuwa wà m̀e:

Lua kemazi'ũ kpànízi,

ã an wé lé gu'eo,

an swá lé yãmao e ní a gbão.§

‡ 10:18 Sou 19.4 § 10:19 Iko 32.21 \* 10:20 Isa 65.1 † 10:21

Isa 65.2 \* 11:1 Flp 3.5 † 11:3 1Kia 19.10 ‡ 11:4 1Kia 19.18

§ 11:8 Iko 29.3, Isa 29.10

<sup>9</sup> Davidi ò ɔ:

To an dikpekea gɔné bai ũ, wà ní kú,  
to à yá'iné, wà tɔsimá.

<sup>10</sup> To an wé siakū ké aasu gu'eo,  
to an wó gɔ koolonno gɔɔpii.\*

<sup>11</sup> Ma m̀è yóo! Ké Isailio f̀ua, aa l̀èl̀e míomio yá? Aawo bá! An tàaeo yáí Lua buipáleo suabà, ké Isailio ǹèse fele yáí. <sup>12</sup> Lá an tàaeo mé tò d̀unia káfla è, mé an l̀élea mé tò buipáleo káfla è, tò Isailipio s̀u ní pá ziu, wa bee o ɔa?

<sup>13</sup> Málè yá'o á buipáleoɔne sa. Lá má de zina ũ á buipáleo k̀íi, máo ma zí sáaukpaɛ, <sup>14</sup> ké mà azia buio ǹèse fele, mí ní gb̀eɔ suabaɛ. <sup>15</sup> Lá Lua gia Isailiozi mé tò d̀unia k̀eano na, tò à èa ní sí ɔ, bee ao deai? Bee ao de ẁeni ũ geɔneɛ.

<sup>16</sup> Tó wà p̀owen káau kpà Luawa,† a búu g̀ò aà p̀ó ũ. Tó lízina de Lua p̀ó ũ, a g̀onaɔ de aà p̀ó ũ ɔe.

<sup>17</sup> Lua kuli zálala g̀onaɔ z̀z̀z̀, ɔ à n gb̀é p̀ó ní de kuna lí ũ p̀è an gb̀eu, ké ñỳó kú ní kuli maa z̀ina gb̀aao.

<sup>18</sup> Nsu saka kuli zálala g̀ona p̀ó a z̀z̀z̀oɔguo. Kpelewa ñỳó íanadái? N kú lízina sabaie, i ke lízina mé kú n sabaio.

<sup>19</sup> N m̀è à lig̀onapio z̀z̀z̀ ké à n pe an gb̀eu yáíe. <sup>20</sup> M̀aaɛ, à ní z̀z̀z̀ ké aai a náaikɛo yáíe. Mpi s̀o n g̀o n luanaaikɛa yáí. Nsu wala keo. Laaika! <sup>21</sup> Lá Lua i g̀í lí zálala g̀onaɔ z̀z̀z̀io, a g̀í n z̀oi s̀o.

<sup>22</sup> Gwa lá Lua maa mé a p̀ási. A p̀ási ní gb̀é p̀ó aa f̀uwaɔ, mé a maane, tò n ze ní aà maa. Tó màa no, a n z̀o s̀e.

<sup>23</sup> Tó Isailio ní luanaaikɛsai tò, a ea ní pé n gb̀eue, asa a ní pe ní gb̀eu gb̀aa ví. <sup>24</sup> Lua n z̀o kuna líwa à n pe

\* **11:10** Sou 69.23-24 † **11:16** Nao 15.20-21

kuli zálalawa, lá wíli keowa. Lá a kè màa, kù ligõn zálalao ea pea nízia líwa zeví de beelao lé?

*Isailio suabaa gbexã*

<sup>25</sup> Ma gbéõ, má ye ào asiiyãe bee dõ, ké á wé su ào sia, à ázia dile waladeo ùo yáí. Isaili kiniõ swá gbãakù gia e buipãleo gëa kpala pò bò Lua kíiu lé kaε. <sup>26</sup> Bee gbεa Lua a Isailio suaba pii lá a këa láuwa wà mè:

Suabana a bõ Siõna,  
a Yakõbu buio kē luadõsaiwa.

<sup>27</sup> Ma bàakuarínõ

gõõ pò má ní duuna kémá yán we.‡

<sup>28</sup> Baona yá musu aa de Lua ibεεõ ù á yáí. Lua gbéõ sea yá musu aa de Lua yenzideõ ù an dezio yáí. <sup>29</sup> Asa Lua lí déndõmεε ke gba pò á dàò ní gbé pò a ní sisi a ní séo yá musuo. <sup>30</sup> A buipãleo i Lua yãma yãao. Tiasa Lua sùuukèánõ ké Isailio i aà yãmao yáí. <sup>31</sup> Màa Isailio lé Lua yãma tiao, ké Lua e sùuukèánõ, i gbasa sùuukèínõ. <sup>32</sup> Lua yãmasai kpà gbépiizi, ké aà e sùuukèínõ pii yáíε.

<sup>33</sup> Lua õnõ ní a dõao zõõke lé vío.

Gbëe yá pò àε yá yáasi dõ píio.

Gbëe a fõ à aà ze bõõlekeo. §

<sup>34</sup> Déme Dii làasoo dõí?

Déme yãdàè aà ledamade ùí?\*

<sup>35</sup> Dé Dii fiasèwà a gbasa boèi?†

<sup>36</sup> Pópii bò aà kíie,  
aa kú ní aà gbãao,  
mé aa ku aà pò ù.‡

‡ 11:27 Isa 59.20-21    § 11:33 Isa 55.8    \* 11:34 Isa 40.13

† 11:35 Yob 41.3    ‡ 11:36 1Kln 8.6

Wàò aà tɔbɔ ɔɔpii. Ami.

## 12

### *Zikɛa Luaɛ*

<sup>1</sup> Ayāmeto ma gbɛɔ, lá Lua wēnadɔwɛɛ màa, ma wabikèwá à ázia kpawà sa'obɔ bɛɛ sāsai pɔ ì kaaàgu ũ. Beewa wī kúɛɛ a zéwa. <sup>2</sup> Asu tɛ dúnia tiaɛ bee tufaio. A to Lua á lile, á làasoo i dafukū, ké à e à aà pɔɛā dɔ, yá pɔ maa mé ì kɛɛ mé à àsaa.

<sup>3</sup> Gbɛke pɔ Lua kèmmɛ yáí ɔ máɛ o ápiiɛ, ásu ázia maabo de a maa léao. A baade ázia dilɛ a síana léu, lá Lua aà gbà zé aà a náaikɛwa. <sup>4</sup> Gbɛnazina mè mɛndo guɔ ví dasi, an baade ní a zioɛ. <sup>5</sup> Maaɛ, baa ní wá dasikɛo, wá mɛ doū naa Kilisiwaaɛ, wá de kɔ meguo ũ.\* <sup>6</sup> Wá gba dodoa kɔɛ lá Lua dàwɛɛ a gbɛke guuwa.† Tó ānabikekegba ní ví, kɛ n luanaaikɛa léu. <sup>7</sup> Tó dɔnlɛdekeɛ, dɔnlɛ. Tó yādaanéɛ, dané. <sup>8</sup> Tó lɛdaamaɛ, damá. Tó gbadaaɛ, da bíisai. Tó dɔaanakɛɛ, kɛ ní áiao. Tó wēnadɔanɛɛ, dɔné ní pɔnao.

<sup>9</sup> Aɔ yekɔi ní nòsemendoo. A mikɛ vāiwa, í ze ní maaɔ. <sup>10</sup> Aɔ gbɛke ví ní kɔo nana. Aɔ kɔ kpɛla ní pɔnao. <sup>11</sup> Aɔ áiaví zígbiasai, á mɛ io wāa Dii zí guu. <sup>12</sup> A pɔnakɛ yá pɔ á wé dɔi yá musu. A menafɔ taasikɛa guu. A mɛkpa wabikɛawa. <sup>13</sup> A dɔnlɛke Lua gbɛ pɔ pɔ lé késámáɔnɛ. A wetā ní nibɔfɔao. <sup>14</sup> A samaa'o á íadamadɔnɛ. A samaa'oné, ásu ní kao.‡ <sup>15</sup> A pɔnakɛ ní pɔnakɛnaɔ. A ɔɔɔ ní ɔɔɔnaɔ. <sup>16</sup> A nòsedoukɛ ní kɔo. Asuli denlawɛɛɛleo. A gbɛkpa ní yèɛsaideɔ. Asuli ázia dilɛ yādɔnaɔ ũo. § <sup>17</sup> Asuli vāi

\* **12:5** 1Kln 12.12 † **12:6** 1Kln 12.4-11 ‡ **12:14** Luk 6.28

§ **12:16** Yaa 3.7



fiabo ní vāioo. Ali yá pọ́ maa gbépiiε κε. <sup>18</sup> Tó a κε, àò na ní gbépiio lá á f̄́ léu. <sup>19</sup> Ma gbé yenzideo, ásuli t̄́si gbéwao, à àà tó ní Luao. A ku lá guu wà mè:

Dii mè áμε á t̄́simá,

áme á fiaboné.\*

<sup>20</sup> Tó n̄́ana lé n ibεε δε, blε kpawà. Tó imiε, n̄́ àà gba í. Tó ní kè màa, níε àà o kaè a léuε.† <sup>21</sup> Nsu to vāi ziblemao. Zi blewà ní maao.

## 13

### *Misiile b̄́su gbāadeone*

<sup>1</sup> Gbépii misiile b̄́su gbāadeone, asa ikoe ku Lua lé saio. Lua mé gbāade pọ́ kúo d̄́ile pii. <sup>2</sup> Ayāmeto gbé pọ́ b̄́ gbāade yá kpe, ade b̄́ yá pọ́ Lua d̄́ile kpeε. Gbé pọ́ b̄́ ní kp̄́o nízià d̄́yāue. <sup>3</sup> I κε maakenao mé lí v̄́ake kpalablenao, sema v̄́ikenao. Tó ní ye n̄́ v̄́ake gbāadeo, maake, i n s̄́aukpa. <sup>4</sup> Gbāadeá Lua z̄́ikenae n aafia yái. Tó n v̄́ikè s̄́, v̄́akeè, asa a f̄́nda looa p̄́a no. Lua z̄́ikenae, ì t̄́siè v̄́ikenawae. <sup>5</sup> A yái t̄́o a maa àli misiilené. I κε ìadama yái ado no, á làasoo yáie b. <sup>6</sup> Bee yái i w̄́'ōa kpái s̄́, asa gbāadeá Lua z̄́ikenao, aale z̄́ipi keèε. <sup>7</sup> Ali fiaboné pii. Ali w̄́'ōa kpá a sinawa, ìli á pọ́ lá sí b. Ali misiile gbé pọ́ δε à misiileè. Ali gbé pọ́ δε à àà yāda yāda.\*

### *Ḡ́o k̄́a k̄́ai, w̄́o yek̄́i*

<sup>8</sup> Asuli gb̄́ε fia seo, sema yeak̄́i bàasio. Gbé pọ́ ye a gb̄́deezi, Lua ikoyā p̄́εw̄́ae. <sup>9</sup> W̄́a mè nsuli w̄́úle ní gb̄́p̄́ale n̄́oo, nsuli gb̄́d̄́eo, nsuli kp̄́ai'oo, nsuli pọ́

\* **12:19** Iko 32.35 † **12:20** Yaa 25.21-22 \* **13:7** Mat 22.21

biikeo.† Yápio ní yādilea pāle pó kúo píi kú yáε bee guue wà mè: Nyō ye n gbédeezi lá nzia wēniwa.‡  
 10 Tó gbé ye gbéi, ili vāike a gbédeeo. Yeakōi mé Lua ikoyāpapaa ũ.

11 A ke màa, asa á gɔɔ pó wá kuwàε dō. A vua iu gɔɔ kà, asa wá suabaa kái tia de gɔɔ pó wa Yesu náaikèla. 12 Gwāasina kà zà, gudɔa mé kái. Wà gusia yá kóle, wí gupua gōkeɔɔ séle. 13 Wàɔ kú wá dɔɔwa fāanε gbéɔ ũ lalasi kòɔ ní wēdekeao sai nɔdāakpaa ní wisaiyāo sai, lekpaai ní zaakōuo sai. 14 A Dii Yesu Kilisi ɔlesé. Asuli tó á dàa zi dɔaaé à dōε'ii keo.

## 14

### *Kō tàae'ea*

1 A gbé pó buse luanaaika guu dile yākelesai.  
 2 Gbēe kūa á fō pópíi ble, mé gbé pó a luanaaika buse lí nòo soo.\* 3 Gbé pó ì pópíi ble suli saka gbé pó lí pópíi bleoguo, mé gbé pó lí pópíi bleo suli gbé pó ì pópíi ble tàae eo, asa Lua aà síe. 4 Dén n ũ ké níε gbēpāle zíkēna tàae ei? Tó a fō ge a fōo no, aà Dii yáε. A fō, asa Dii gbāa a to aà fō. 5 Gbēe kūa gɔɔ na de kōa, mé gbēpāle kūa gɔɔpii sáaε. Baade a sō dadoū ní yá pó à zèdò. 6 Gbé pó ì gɔɔ bɔ ì bɔ Dii yáie. Gbé pó ì pópíi ble, ì ble ní Dii gbāaoε, ì Lua sáaukpa. Gbé pó ì pó té ì tē Dii yáie, ì Lua sáaukpa. 7 Gbēe lío ku azia yáio, gbēe lí ga azia yáio. Tó wá kú, wá kú Dii pó ũε, 8 tó wa ga, wa ga Dii pó ũε. Wá kún nò, wa gan nò, wá de Dii pó ũε. 9 Asa Kilisi gà à vù ké àò de

† 13:9 Bɔa 20.13-17 ‡ 13:9 Lev 19.18 \* 14:2 Kls 2.16

gyaadeo ní gbé b́eoo Dii ũe. <sup>10</sup> Ké níe n gbēdo tàae e s̄o be? Mpi s̄o níe saka n gbēdogu s̄o be? Lua ao z̄olea a ḡinaa, wápii wí bo ze aà ae,† <sup>11</sup> lá wa kè lá guuwa, Dii m̀e:

Lá má kú, gbépii a kúlemee,

gbépii a ma luake d̄o.‡

<sup>12</sup> Beewa wá baade a azia yá séle siu Luae.

<sup>13</sup> A yáí wásuli k̄o tàae e bo. K̄o tàae'ea gb̄eu à z̄eò ké á yá p̄o a to á gbēdo fu keo. <sup>14</sup> Kua Dii Yesu guu má d̄o s̄aas̄a ké p̄oe lío gb̄alea ní aziaoo. Tó gbé dile p̄o gb̄alea, ã Ìo gb̄aleaè. <sup>15</sup> Tó n n gbēdo n̄se ò̀kpàè p̄o p̄o ní blè yá musu, ní yeaàzio. Ble p̄o ní blè yáí n̄su gbé p̄o Kilisi ḡa aà yáí ò̀kpao. <sup>16</sup> Asu to wà sakaé p̄o p̄o maauo, <sup>17</sup> asa kpala p̄o b̄o Lua kíiá p̄oblea ní imiao yá no. Yákea a zéwa ní kea ní k̄o nao ní p̄ona p̄o Lua Nisina ì inéo yáe. <sup>18</sup> Gbé p̄o lé z̄oble Kilisie màa yá ì ka Luagu, mé w̄i aà s̄aukpa. <sup>19</sup> A yáí tò w̄ali w̄eie w̄o na ní k̄o, w̄io gb̄aa k̄áfk̄o. <sup>20</sup> Nsu Lua z̄i ò̀kpa ble yáio. Ble píi maae, ãma p̄o p̄o r̄iȳo ble n gbēdo fu maaoo. <sup>21</sup> N̄̀soan n̄o, w̄emian n̄o, yá p̄o a to n gbēdo fu píi, a maa n̄ t̄e. <sup>22</sup> Yá p̄o ní a náai v̄i, n̄ȳo k̄ua e Lua kíi. Báaaden gbé p̄o yá p̄o à z̄eò lí aà s̄o v̄io ũ. <sup>23</sup> Tó gbé lé seake ble p̄o àle blewa s̄o, à azia d̄aȳaue, ké i kpaaf̄ ní aà luanaaik̄eao yáí. Yá p̄o i kpaaf̄ ní gbé luanaaik̄eaoó duunae.

## 15

### *Yeak̄si w̄eɔa Luazi guu*

† 14:10 2Kln 5.10    ‡ 14:11 Isa 45.23

<sup>1</sup> Wá gbé pọ wá gbã luanaaikεa guu, sema wà gbé busεo fō an gbãasai guu. Wásuli yá pọ ì ká wáziagu κεo. <sup>2</sup> Wá baade lí yá pọ a ka a gbēdogu κε, ké aà e maakū, i zεdọ yái. <sup>3</sup> Asa Kilisi i azia pọeã κεo. A kēa Lua taalau wà mē, Lua s̄s̄s̄a gòè.\* <sup>4</sup> Yá pọ wa kè yāa píi, wa kè lēdaawá yáie. Yápi ì wá gba mēna, ì wá gba s̄ ké wàò wεdọ ziai. <sup>5</sup> Lua pọ ì n̄ gba mēna, ì n̄ gba s̄ to àò n̄sεdοῡκε n̄ k̄o lá Kilisi Yesu kèwa, <sup>6</sup> í Lua wá Dii Yesu Kilisi Mae t̄b̄o n̄ n̄sεm̄endoo n̄ lēdoũ.

<sup>7</sup> A k̄o sí lá Kilisi á síwà Lua t̄b̄o a yái. <sup>8</sup> Málε oé, Kilisi ḡo Yudaο d̄n̄lεde ũ, ké à lé pọ Lua gbē an dezioνε κε, aai d̄o Lua náai v̄i, <sup>9</sup> buipáleo i Lua t̄b̄o aà s̄uuu yái, lá a kēa láuwa wà mē: A yái tò má n̄ sáaukpa buipáleoνε, mí n̄ táasile.†

<sup>10</sup> Wà mē b̄o:

Bui, à p̄nake n̄ Lua gbé.‡

<sup>11</sup> Wà mē b̄o:

Bui píi, à Dii táasile,

b̄usu gbépii à aà t̄o gbia b̄o.§

<sup>12</sup> Isaia ò b̄o:

Yese mīna a vl̄pa,

i fεε kible buipáleowa,

an wé io d̄baàzi.\*

<sup>13</sup> Lua pọ gbépii wé d̄oi to p̄na n̄ aafiao p̄εwá a náai pọ ále κε yái, ké á wεd̄baaàzi káfi n̄ a Nisina gbãao.

### *P̄lu z̄ikεa Luaε*

\* **15:3** Soũ 69.10 † **15:9** Soũ 18.50 ‡ **15:10** Iko 32.43 § **15:11** Soũ 117.1 \* **15:12** Isa 11.10

14 Ma gbéṛ, má dṣ sáasã ké maakεa pèewá, á yápii dṣ wásawasa, á fṣ ledakṵwa. 15 Ma láε bee kēáé guu ma yāeṵ kē ṛí sṵo dilεa ké àṵ dṵágu yáí, asa Lua gbēkekēmεε, 16 ṣ ma gṵ Kilisi Yesu zíkεna ũ buipáleṵne. Máε bao pṵ bṵ Lua kíi kpáné, ké an kua e àṵ adoa ṛí Luapi Nisína gbāao. Máε bee ke Luaε aà gbagbaa pṵ ì kaaàgu ũε. 17 Ma naa Kilisi Yesuwa guu má fṣ íanadā zì pṵ máε ke Luaε yá musu. 18 Asa má yāe oa vṵo, mé i ke yá pṵ Kilisi kē ma kíi bàasio. A tò buipáleṵ Lua yāmà ma yá'oa ṛí ma yākeao guu 19 ṛí dabudabuṵ ṛí yābṵnsaεṵ gbāao ṛí Lua Nisína gbāao. Bṵa Yelusaleũ ma bebε wéle ṛí wéleṵo e ma pεεṵ Ilili bṵsuu Kilisi bao kpàwakεa guu. 20 Miṵ ye mà baonapi kpa gu pṵ wi Kilisi yāmau yāaoε, ké másu buba gbēpále pṵ gāuo yáí. 21 Lá a kēa láuwa wà mè:

Gbṛ pṵ wi aà yā'oné yāaoṵ wé a ké,  
gbṛ pṵ aai aà bao ma yāaoṵ dṵ.†

22 Yá pṵ ìṵ kpamεε mṵṵmṵṵ mà mṵ á kíin we.‡ 23 A kà wè ũma, ké miṵ ye mà mṵ á gwai. Tiasa lá yāe ma dṵa bṵsue beεṵ guu bo, 24 ma wé dṵi wà wesikṵle sa ma gea Esipayā bṵsuu guu. Tó ma gṵṵplakéáno ṛí pṵnao, í gé zεimεε we. 25 Tia kéwa sṵ máε gé ṛí dṵnleṵo Lua gbéṵne Yelusaleũ,§ 26 asa gbṛ pṵ aa ku Masedoni ṛí Gelesio zèṵ wà Lua gbē taaside pṵ aa ku Yelusaleũṵ kámasa kaε. 27 Aa zèṵ, āma teasiε, asa lá Yudaṵ Lua àizεε lí buipáleṵne, a maa buipáleṵ ṛí dṵnía àizεε lí Yudaṵne sṵε.\* 28 Tó ma gbapi náné ṛí ṵzì má làa, ma gea Esipayā guu má bole á kíi. 29 Má

† 15:21 Isa 52.15    ‡ 15:22 Lom 1.13    § 15:25 1Kln 16.1

\* 15:27 1Kln 9.11

dɔ́ ké tó mále mɔ́ á kǎi, Kilisi báaa pɛɛaa guu ɔ́ má mɔ́wá.

<sup>30</sup> Ma gbéɔ́, ma naé wá Dii Yesu Kilisizi ní yeakɔ́i pɔ́ Lua Nisína ĩ iwɛ́ɛo, à dɛ́ɛka àɔ́ wabikɛmɛɛ Lu-awa, <sup>31</sup> ké aà ma bɔ́ Yude luayādansaiɔ́ guu, mé dɔ́nle pɔ́ mále gɛ̀d Yelusaleũ Lua gbéɔ́ne kené pɔ́maa ũ, <sup>32</sup> mí á le ní pɔ́nao, tó Lua wèi, mí kámabo á kǎi. <sup>33</sup> Lua aafiade aàɔ́ kúánɔ́ ápii. Ami!

## 16

### *Fɔ́kpaama*

<sup>1</sup> Mále wá dǎe Febe, Sǎkele gǎlideɔ́ dɔ́nlede sáaukpaé. <sup>2</sup> A aà si Dii yáí, lá a maa Lua gbéɔ́ ké ní kɔ́owa. A dɔ́aàle ní pɔ́ pɔ́ a yei á kǎio pii, asa à dɔ́nlekèné dasi ní mapio lo.

<sup>3</sup> Ma fɔ́kpà Pisii ní Akilasiowa. Ma zíkɛndeeɔ́ne Kilisi Yesu zǐ guu.\* <sup>4</sup> Aa sǐ ní mi sǎale, mapi mà bɔ́. I ké máme má adoo, wéle ní wéleɔ́ buipǎle gǎlideɔ́ lé ní sáaukpa pii lo.

<sup>5</sup> Ma fɔ́kpà gǎli pɔ́ aai kǎaa an kpéu gbéɔ́wa. Ma fɔ́kpà ma gbé yenzide ɛpenɛwa. Aàpi mé Kilisi náaikè Azi bùsuu séia.

<sup>6</sup> Ma fɔ́kpà Maliamawa. A kɔ́aikèé maamaa.

<sup>7</sup> Ma fɔ́kpà Andɔ́niku ní Zuniaowa. Ma bui pɔ́ wá wá dá kpéu sǎnuɔ́ne. Aa tɔ́bò zǐnaɔ́ guu, mé aa naa Kilisiwa ma áa.

<sup>8</sup> Ma fɔ́kpà Ampilia pɔ́ de ma gbé yenzide ũ naa Diiwa guu.

<sup>9</sup> Ma fɔ́kpà Ubé pɔ́ de wá zíkɛndee ũ Kilisi zǐ guuwa ní ma gbé yenzide Setakio.

\* **16:3** Zǐn 18.2

10 Ma fòkpà Apelɛwa, asa náaidee naa Kilisiwa guu. Ma fòkpà Alisɔbu bedeoɔwa.

11 Ma fòkpà ma bui Elodiɔwa. Ma fòkpà Naasisi bedede pɔ aa naa Diiwaɔwa.

12 Ma fòkpà Tifena n̄ Tifosaowa. Nɔɛpiɔ kɔaikè Diiɛ. Ma fòkpà Pɛesidiwa. Nɔɛ yenzidepi kɔaikè Diiɛ.

13 Ma fòkpà Lufu pɔ tɔbò Dii zì guuwa n̄ aà da pɔ mále gwa ma da ũo.

14 Ma fòkpà Asikitiwa n̄ Felegɔo n̄ Eɛmeo n̄ Pato-bao n̄ Eɛmao n̄ n̄ Yesude dee pɔ aa sãnuɔ pii.

15 Ma fòkpà Fililɔguwa n̄ Zulio n̄ Nɛleo n̄ aà dãeo n̄ Olimpao n̄ Lua gbé pɔ aa sãnuɔ pii.

16 A fòkpakɔwa n̄ Lua gbéɔ lépeakɔwao. Wéle n̄ wéleɔ Yesudeo fòkpàwá n̄pii.

### *Lɛzaamá*

17 Ma gbéɔ, mále oé, à laaika gbé pɔ aa bò yá pɔ á dada kpɛɔzi. Aaí gbéɔ kékɔwa, aaí gbéɔ sásã. A kémá, 18 asa gbé bee taao lí zɔble wá Dii Kilisiɛo, sema n̄ gbɛɛ yá. Aaí yãesaideo sásã n̄ lenao n̄ yádɔo.

19 Gbép̄ii á misiileɔ Diiɛ bao mà. Mále pɔnakɛ á yá musu. Má ye àò maakea òno v̄i, ío wésiadeo ũ v̄aikɛa musu. 20 Lua aafiade a Setãu úb̄ á gbá zíɛ tia. Wá Dii Yesu gbékɛkɛé.

21 Ma zíkɛndee Timotee† n̄ ma buio Lusiu n̄ Zasɔo n̄ Sosipateɛo fòkpàwá. 22 Ma Tɛtiu, ma gbé pɔ ma lápi kè, ma fòkpàwá naa Diiwa guu. 23-24 Ma uabele Gaiusi‡ pɔ Yesudeo ì kãaa aà be fòkpàwá. Wéle ɔ'ulɛna Elasa fòkpàwá n̄ wá gbèdo Kaatuo.

† 16:21 Zln 16.1    ‡ 16:23-24 Zln 19.29

<sup>25</sup> Lua a f̄ á gba gbãa lá a ku Yesu Kilisi bao p̄ó mi kpa guuwa. Asiiyãpi ul̄ea za káauε, <sup>26</sup> tiasa ñ Lua p̄ó ñ ku ḡɔɔpii d̄ile wà yá p̄ó kú ânabiɔ láɔ guupi b̄o gupuau, ké bui pii e d̄ã, aai Lua náaike, aa ḡã à yãmanaɔ ũ. <sup>27</sup> Wà Lua m̀endona ñnde t̄ɔb̄o ñ Yesu Kilisi gbãao e ḡɔɔpii! Ami.



**Bibeli Luayátaalá**  
**The Holy Bible in the Boko language spoken in Benin**  
**and Nigeria**

copyright © 2010 SIM International

Language: Boko

Translation by: SIM International

**Boko Bibeli Luayátaala**

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

ffb0f4b3-18b7-564f-bd5d-307e9e532fb9